

Na sesión celebrada na data que se indica, adoptouse o seguinte

**A C O R D O:**

Na cidade de Ourense, a dous de abril de dous mil tres

Visto o expediente de clasificación do monte como veciñal en man común coa denominación de “A Cidade, Lavarqueira, Outeiro da Paixón, As Barxas, e Portal do Monte, por solicitude dos veciños do lugar de Morgade, do Concello de Xinzo de Limia (Ourense).

Resultando que con data 11 de abril de 2000, tivo entrada no rexistro da Delegación provincial da Consellería de Medio Ambiente en Ourense, escrito dirixido ó Xurado Provincial de Montes Veciñais en Man Común asinado polos veciños do lugar de Morgade, Concello de Xinzo de Limia (Ourense), solicitando se declare o monte “A Cidade, Lavarqueira, Outeiro da Paixón, As Barxas e Portal do Monte “como veciñal en man común.

Resultando que o Xurado provincial en sesión celebrada en data 26 de setembro de 2001, acordou tomar en consideración o citado escrito e inicia-lo expediente de clasificación do monte designando instructores do mesmo a Manuel Bouzas Costa e Miriam Areal López, que aceptaron tal cargo, librándose mandamento para a anotación preventiva no Rexistro da Propiedade de Xinzo de Limia, e remitíndose comunicacións



dirixidas ós veciños do lugar de Morgade, ó presidente da Deputación Provincial de Ourense, ó alcalde do Concello de Xinzo de Limia, á Delegación provincial da Consellería de Política Territorial, Obras Públicas e Vivenda, ó xefe do Servizo de Montes e Industrias Forestais, á Xerencia Territorial do Catastro e á Delegación provincial da Consellería de Agricultura, Gandería e Política Agroalimentaria; Servizo de Estructuras Rurais, publicándose edictos no Diario Oficial de Galicia e no taboleiro de anuncios do Concello de Xinzo de Limia, durante o prazo dun mes segundo consta en dilixencia estendida ó dorso do edicto polo secretario do citado concello, para que durante o prazo sinalado en edictos os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente, se practicou no Rexistro da Propiedade de Xinzo de Limia, como segue:

Anotación Letra A de la finca nº 27.095, folio 92, tomo 718, Libro 182 de Xinzo.

Resultando que na tramitación do expediente cumpríronse tódalas formalidades legais.

Considerando que o Xurado Provincial de Clasificación de Montes Veciñais en Man Común, ten xurisdicción e competencia para coñecer-los expedientes de clasificación dos montes que teñan tal carácter a teor do establecido no artigo 9 da citada Lei.



Considerando que o tipo de comunidade xermánica que institúe a Lei de montes veciñais en man común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable; e
- 5) Que a comunidade é indivisible, non podendo os comuneiros pedi-la "*actio communi dividundo*".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños do lugar de Morgade, no Concello de Xinzo de Limia

Os datos do citado monte son os que se referencian na parte dispositiva deste acordo.





Considerando que das informacóns recollidas resulta que os veciños do lugar de Morgade, están conformes coa clasificación do citado monte como veciñal en man común.

Considerando que a teor do disposto na Lei de montes veciñais en man común, o expediente de clasificación se iniciou por acordo do xurado, por instancia dos veciños do lugar de Morgade, para que este xurado puidese acorda-la iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro, así como o establecido na Lei de réxime xurídico das administracións públicas e do procedemento administrativo común, do 26 de novembro de 1992.

Visto o Decreto 14/2002, do 24 de xaneiro, polo que se establece a estrutura orgánica da Consellería de Medio Ambiente.

O Xurado Provincial de Clasificación de Montes Veciñais en Man Común, á vista dos antecedentes e fundamentos expostos e por unanimidade dos seus membros:

**ACORDA:**

Primeiro. - Clasifica- lo monte denominado *A Cidade, Lavarqueira, Outeiro da Paixón, As Barxas, e Portal do Monte*, de 19,87 ha, aproximadamente en conxunto de



superficie a favor dos veciños do lugar de Morgade, no Concello de Xinzo de Limia (Ourense) , e cos datos que a seguir se relacionan, coma veciñal en man común, en réxime de comunidade xermánica.

Os datos do citado monte son:

Concello: Xinzo de Limia (Ourense)

Denominación do monte: A Cidade, Lavarqueira, Outeiro da Paixón, As Barxas, e Portal do Monte

Comunidade propietaria: veciños de Morgade

Superficie total : 19 ha 87 a en conxunto aproximadamente.

Monte A Cidade:

Superficie 12 ha 20 a aproximadamente

Estremas.

Norte. Pista asfaltada de concentración, e José Gil

Sur: camiño veciñal

Leste: monte dos veciños da Pena, Manuel García Ferrón, José Quintas Boquete e outras propiedade particulares da Pena.

Oeste: Vicente Sotelo Díaz, José González Ramos, Rosa Bolaño Enríquez, Jose Vázquez Ramos, Hdos de Antonio Cid Suárez, Josefa Fernández Cid, Hdos de Manuel Díaz Ramos e outras propiedades particulares de Morgade.

Monte Lavarqueira:

Superficie 2 ha 87 a, aproximadamente

Estremas:

Norte: camiño veciñal

Sur: herdeiros de Josefa Enríquez



Leste: herdeiros de Josefa Enríquez Blanco

Oeste: herdeiros de Ángel Suárez

Monte Outeiro da Paixón:

Superficie 2 ha 40 a, aproximadamente

Estremas:

Norte: José Rodríguez Rivera, Cándido Losada Vázquez, Estrada Provincial de Xinzo a Vilar de Barrio.

Sur: José Sotelo Enríquez, herdeiros de Francisco Ramos Blanco

Leste: herdeiros de Rosendo Ramos, Antonio Rodríguez Díaz, José Rodríguez Rivera

Oeste: herdeiros de María Moure Blanco, José González Ramos, Antonio Cid Suárez, Agustín Enríquez Conde, Dolores González Fernández.

Monte: As Barxas:

Superficie: 1 ha 40 a aproximadamente

Estremas:

Norte: autovía das Rías Baixas

Sur: herdeiros de Eladio Ramos

Leste: herdeiros de Generosa Stelo, José Sotelo Enríquez

Oeste: Antonio Enríquez Rodríguez, Manuel Villar Pozos, José González Ramos e outras propiedades particulares de Boado.

Monte Portal do Monte:

Superficie: 1 ha aproximadamente

Estremas:

Norte: Francisco Cid González, Miguel Villar Fariñas






Sur: herdeiros de Germán Joga

Leste: Joaquín Gómez Blanco

Oeste: José García Rodríguez, José Ramos Bolaño

Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifiquese esta resolución ó alcalde-presidente do Concello de Xinzo de Limia, ós representantes da comunidade veciñal, ó xefe do Servicio de Montes e Industrias Forestais, ós que se lles fará saber que esta resolución, que pon fin á vía administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administracións públicas e do procedemento administrativo común e artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.)



The block contains several handwritten signatures and a circular official stamp. The stamp is from the 'COOP. CHURRI DE MONTES E INDUSTIAS FORESTAIS' and is partially obscured by a large, bold signature. There are also other smaller signatures and scribbles below the stamp.



